


鶴山先生大全文集

一八



重校鶴山先生大全集卷之八十一

墓誌銘

贈奉直大夫丁公墓誌銘

寶慶元年秋軍器監丁黼文伯過史臣魏某言曰黼
不天吾父奉直府君以慶元二年 月 棄諸孤歟

年 月 葬于石埭縣舒溪之南曰鸞溪黼雖貧

凡以致其誠信于親者既不敢不勉惟未有以銘吾
竊也敢以前蓬州王侯東所次行治將子是屬某白
墓必有銘漢魏之末造也文伯方以正學直道爲時
聞人茲其顯歟不已多乎而必銘之亡雖然余定交
于文伯既二十年知其世爲詳余曷敢不銘公諱泰

亭字巖老丁氏故梁人自漢將軍寬以易授同郡賜
田王孫陽沛相近其後徙沛公之曾太父洪贈訓武
郎太父執中武德郎溫處衢婺西州都巡檢使父述
徐州鄉貢進士公生四年而遇靖康之變江淮盜起
馬青犢剽池之青陽石埭武德以嘗中材武科入仕
與討方臘有功遂以選差青陽之武尉督捕羣盜未
幾虜人汴迫徐貢士攜家由清河趨淮陰以達于青
陽丁於沛為右族自紆亂離南來者僅兩院武德其
一也武德往來石埭經理平寇愛其山水清麗因託
居焉相傳至士猶夢寐故疆之歸故流移再世未嘗
治產業也公幼而明晤日記二千言時版本文字尚

少經傳史漢書皆晝抄夜誦漢晉以來詩文亦手自
編梓善古文於詩尤長以餘力爲舉子業率先諸子
鳴遠近爭辟塾延之其後疾不能出者十年皆負笈
踵門諸從子亦從受業黼時年十四已知爲學之要
會永嘉徐子宜爲郡教授公慨然挈往從之徐雅敬
公留與共學參授後進而訓黼以語孟中庸大學黼
幼從公誦言觀行漸清已父至是一聞義理之誘氣
竦神悟卒爲成材公資稟勁直務實行不靳人知不
輕爲然諾在貢士侍側色莊而氣怡貢士卒號駿骨
立事毋貳夫人晨興被戶外皆交率至夜分夫人自
過江痛家族流離不肉食公食輒不擇有嘉蔬旨畜

必問奉夫人已否夫人年八十二而卒公老猶致毀
與二弟處極其和孺嗚呼公之學其亦異乎世之所
謂學者矣享年七十有四元配章氏繼室孫氏前後
凡五男六女長男輝次耀次其為叔父其後次黼次
黻輝耀其黻尋卒黼今以朝請大夫為軍器監六女
各得所歸孫男四人鑄鎰未仕錡以軍器任為將仕
郎鎰從事郎紹興府司理參軍孫女五人曾孫男今
四人銘曰 徐市之間鄒魯所鄰質實近本故家典
刑公生不辰逢世孔填風氣之感則厚且純冲約自
持碩壘尊也東周之思西方美人允毅丁公則我思存
承議郎通判叙州李君墓誌銘

余自尉于成都杜氏道雙流必李氏乎館李則余之
妻之舅也其曾大父文顯大父庾爲里善人父大年
承議郎致仕累贈中散大夫娶同郡勾氏贈令人中
散有六子長嘉謀爲宗正丞世號息齋先生與仲氏
嘉猷同舉乾道二年進士其第五曰嘉量是爲君君
生之三月而喪母中散念之以屬宗正教焉宗正博
通經子百氏而深於易晚得專氣致柔之說以陰符
參同傳考精玩篤信不懈君親聞其說而好焉余嘗
與之語雖不盡合迨嘉亮十五年春余特造朝過君
千里舍君曰吾嘗爲子誦所聞子不吾予余以求諸
坊盈天地間致用之要無越乎坎離而大較則體性

相須精神充足體不立則性無以行精不蘊則神無以發余心異之因相與推明本始究極分際勉之以聖賢之正蓋語移日不能休以是始信君之所蓄者厚而世不能以盡知之也十七年冬君之子異宗忽以書抵余于京曰先君以四月 啓于足下遂不肖孤無以顯厥厥考今葬有日敢以識墓爲請嗚呼其信然邪將俟後期以追前語而忍銘君之墓也君字平仲資醇實不事華飾宗正爲淳熙朝士舊聞遺獻尚多稔識而君得周旋其間况以尚書郎勾公昌泰爲之舅劉文節公光祖爲妯之夫聞見重濡超嚮端正會科舉不利以宗正任爲迪功郎監嘉興府酒務

遂寧府司法潼川府通泉縣令主管夔州路安撫司
機宜文字用舉主改宣教郎知漢州縣竹縣通判遂
寧府叙州始爲掾於遂議法平恕遂有米粟之征責
輸贏餘而不察其沽濫君請覈沽濫而罷贏余兵民
兩利焉明年當輸民詣郡願得李司法董其事有爲
征官死不能歸者爲經理其喪二女亦各有適通泉
捷江歲霖公私之力而民懷懷不適居君躬任其勞
築事堅乂至于今稱之縣竹邑大賦繁吏緣爲姦比
豪猾而愚善良君請覈登載授券劑皆無過一日厥
明以方揭之凡已輸而未獲券者使告焉或疑其不
可繼公去之日視始至逾篤以是民無橫賦官有餘

舊學校橋梁之政皆以次舉行最後在遂寧更歷既
多財史滋敏前後漕使者皆俾攝屬君以郡事辭不
許迨轉丞叙南喜曰此吾兄所嘗愒笑也會以職事
之普道囑歸而得疾屬續之日尚區畫官事家政如
平生年六十有五君爲吏三十年居室衣食不替儒
素與人交平實而可以所居官皆以職事見知其長
固也而吳德夫獵崔正子與之未有雅素爭先辭舉
揚恭惠公鎮蜀徑上其姓名迨選部關移乃克知之
其恬於榮利大抵若此元配唐氏繼室以文皆贈孺
人子男二人長異宗次炳宗以後宗正女適迪功郎
利州昭化縣尉家寅翁孫男一人思問孫女二人外

孫男女四人葬以寶慶二年 月 日墓在新津縣
會同鄉良山之原祔宗正墓右從治命也銘曰
居焉而熙熙出焉而怡怡脫畧於姑可已而黽勉於
所當爲其晚而有得於已也蓋有人所不及知不知
奚傷視此銘詩

安人史氏墓誌銘

寶慶元年冬予得罪南徙明年春行至九江友人家
朝南被命造朝其夏賜對使殿擢主軍器監薄秋以
喪第求去廷丞請益力又明年春差知隆慶府尋改
簡州予時待放未返朝南道荊州狀其母之行馳書
抵靖乞文以識諸竊蓋朝南自 先朝賜召 上申

詔趣發及是西還凡閱四載而立朝僅十月余謂朝
南秉誼据正不虧其體不辱其身所以成其親大
矣而奚以文爲雖然朝南之請也庶余懼夫文之不
足以發也余曷設不可朝南之狀曰吾母史氏諱稷
字虞卿隋柱國太平公萬歲之後曾大父鄉貢進士
慥大父振父允諧妣楊氏母年二十歸我先君不率
三十而沒淳熙八年六月乙卯也大酉兄弟五人女
爲長一日大母蘇夫人問曰能記而母乎淚棲睫莫
能對長者曰母姿間靚不事膏沐兒所能記僅此耳
大母曰汝曾大父運幹府君方嚴家人不見其言笑
媼御嘗進薦衣不愜而母先意改爲運幹喜與士接

而母竭力酒羞雖服用可輟也汝之曾大母而母之族也運幹念外氏飄零嘗問其世墓而母自是歲一展省如運幹臨之吾母程夫人以禮法持家子婦奔走承意惟恐失之見而母必爲之康色歲時慶賀奉儀物以獻如弗勝而精巧絕人其事吾舅吾母若是事我可知吾不能悉數也昔者我疾而母朝夕卧內膝行進藥久而疾間膝有癰焉吾識之今弗忘語已顧汝兄曰婦道不當如是乎而母師也及大酉齟齬粗省事每侍先君常曰吾大父年八秩寢食必我俱訓言娓娓而母時起 奉溫清敬事不怠大父憐之曰天何以報此婦也汝生三季大父卒猶謂而母曰

爾事我善報其在是夫先君言之於邑曰使而母不
孤吾大父之望是在汝已先君嘗挈大酉過舅氏見
者輒泣下曰而何以報而母乎自歸夫氏事重親拊
而兄弟至忘其身之疾歲時來寧尚嫁時衣也人謂
弗堪而母無幾微見於言面則又人所甚難而何以
報而母乎嗚呼大酉尚忍言之賴吾母之澤嘉泰三
年齒一名于進士籍母之歿逾二十年男女婚嫁之
事僅畢未有以葬也開禧倭擾從三嵎陳勤節公咸
出入戎馬間輒不及息僥倖陞朝則姑待之又庶幾
澤及吾母也嘉定八年大酉試邑成都上祀明堂
吾母贈孺人將以命書之副告而卜葬焉未及滿戌

而先君棄諸孤矣徒跣行營于青神縣之長泉曰紹
遠鄉母所居里也命龜惟某山食閭遠日惟十二年
四月癸酉食是北益考志也孰知遂與吾母偕葬乎
除考喪之明年南海崔公與之帥蜀以大酉長莫府
未幾薦士復先焉大酉敬共夙夜不敢墜厥紹今季
有以歸見先墓晉者吾父之葬劉文節公既爲銘之
子之知我後劉公幸有以紓吾哀也某自孤露以
來見人之思親則惕然以傷不自知身之罹此咎也
讀國風至凱風陟岵河廣讀小雅至小弁輒裁輒廢
卷每謂彼以勞苦廢養以譏毀見遂皆親在而子長
旦攜離之暫耳其詞已悲傷不自聊若此一日讀韓

文公哭兄子文至不省所怙惟兄嫂是依嫂指愈又
子言曰韓氏兩世惟此而已兄子尚幼不復省記愈
雖能記不知其言之悲某爲之涕下不能止嗚呼未
知情於文生文於情生而涕何從出乎顧我復我出
入腹我今乃至眉目間略不及訾省僅從其大母若
考問一二言行以求銘然則朝南之請也余寧能恕
然乎乃不果辭朝南之考君某以封承事郎卒今贈
朝請郎母以贈孺人葬今贈安人三女長未笄而來
次嫁張子辰次孫景舒嘗貢于鄉二子長即大酉今
朝請郎知簡州以震已嘗與鄉舉以父命後族又不
幸死矣子之季曰丙仲女之季嫁蘇丞則繼母今程

安人出也內外孫曾十人銘曰

望族而變衰既去先時方春載暉孰抗而摧奈以大
夫之性厥以內子之衣人謂母榮孰知子悲

太孺人吳氏墓誌銘

寶慶元年余待罪太史氏粵人孫之宏與余雅相善
也一日泣而請曰之宏不天夙喪我先君吾母撫諸
孤凡二十有四年而又棄之厥既得卜祔于吾父之
兆而未有以銘也敢惟子也請余曰子善自飭以成
其身茲其爲銘大矣曰是敢不勉雖然之宏之窮毒
人有不及知者我先君之五世自山陰徙余妣皆力
穡自給伯父早卒太父修職其大母胡夫人年浸高

先君獨任家事楮無私藏吾母承順其志雖餘財汗幣恬不訾省得故衣敗絮亦與家奴陸氏尺裂而均之訖先君之世聚居雖睦無間言先君肆力於學州薦其名益從師友講肄硃硃窮晨夜或彖師七州動涉旬歲吾母服勞饋事不以累先君君性素剛母問戚疏必規其所趣而進退之吾母務爲涵養承寧族姻賙卹鄉鄰人人自以慝志之宏兄弟年少長又俾負笈千里以赴師友之會多一時知名士課督諸孫察其少進則喜見詞色不靡衣食不事游觀不溺佛老惟致嚴於宗室之奉歲時夙興行事于婦若孫咸左翼翼如也之宏舉進士試吏爲某官薄祿不足養